

# 1 San Pedro

Mamabuinore coyuiyebu Pedro bácu ũi toivacaiye báquede paperayocare judíoiva Jesúre ju aipðevare, ne joborðare jocarí dajocaivu b́acavure, curájivure apenoa joborðai, die ámiá Ponto, aru Galacia, Capadocia, Asia, aru Bitinia máre (1:1). Pedro bácu judíovacacu barejaquémavu. Jesús ũi yávaiye méne beorí coyucójeimu marejaquémavu. Lucas bácu toivarejaquemavu Pedro bácu borore Hch 1:12-5:42 aru 9:32-12:19 aru cap. 15. Majidivu ne dápiayepe, toivacarejaquemavu diyocare ániujua báquede 63-64 d.C. ũi cue báquede Babilonia ámicurímaroi (5:13).

Toivacarejaquemavu árure ðacuyu ina judíoiva Jesúre ju aipðevare napini coreivure J́umenijicui mearo ðacaquiyede náre ne ju aiyे boje Jesucristore (1:2-12), aru Jesucristoi ńájiye báquede náre boje (2:18-25), aru Esṕritu Santoi oatvayiyede náre (4:1-11). Coyurejaquemavu Jesúre ju aivure ne ńájiyede ijáravui (3:8-22, 4:12-19). Aru coyurejaquemavu máre aipe ðaiye jaurðe náre meara bajupe (1:13-2:3), ne memecaiyede úre (2:11-17), purubuoivure (3:1-7), aru Jesúre ju aivure coreipðevare (5:1-11). J́evari coyurejaquemavu Jesúi jaboteiyede ũi pðevare yópe ćarava apurivape paiyede (2:4-10).

## Pedro ũi meaicójeino Jesúre ju aipðevare (Stg 1.1)

**1** <sup>1</sup>Yábu Pedro, Jesucristoi yávaiye méne beorí coyucójeimaracacu. Toivacaiyu mujare, m\_je joborðare jocarí dajocaivu b́acavure, curivure caride apenoa joborðai die ámiá Ponto aru Galacia, Capadocia, Asia, aru Bitinia máre. <sup>2</sup>Majepacu J́umenijicu beorejaquemavu mujare, ũi majié boje aipe vaiquiyede. Aru ńai Esṕritu Santo epede ðarejaquemavu mujare J́umenijicui pðevare, m\_je ju arájiyepе ayu Jesucristore aru m\_je meadaimara marájiyepе ayu m\_je ámeina teiyede jaruvarí, ũi jive meiyе báque boje, ũi yaiye báquede majare boje. J́umenijicu mearo ðacajacurí mujare bojecubeda ũi me boje. Aru torojurí me cure ðajacurí mujare caríjimevava p\_ueno baju.

**Jáve maje napini coreino**  
(Jn 3.3-7, 20.29; Ro 6.4-13; 1 P 1.22)

<sup>3</sup>J́inajarevu J́umenijicure mearore, maje jabocu Jesucristoi mearore j́imure,

j́ipacure máre. ũi ćomaje ároje jáiye boje, cure ðaibi majare apué mamaeque ũi nacovaiye báquede Jesucristore yainore jaruvarí. Que baru torojurí napini coreivubu maja J́umenijicui ðacaquiyede majare, maje coreóvaiye boje J́umenijicui jáve mearo ðacacuyure. <sup>4</sup>Iye J́umenijicui cuvare ðaquiye majare yaibébu. Que baru pojebequiyebu. Ámedabequiyebu. Aru javecarðpe tebeni b́jabequiyebu máre. Caiye iye mearore J́umenijicui ðacaquiyede napini coreivubu maja. J́umenijicuvacari corecayube diede mujare nore, cavarð mearo ũi curói. <sup>5</sup>M\_je ju aiyede J́umenijicure, meadaibi mujare ijáravui ũi paruéque. Aru buojaquijáravu baquinóre jáðovacuyume mujare meara baju yópe ũi urðpe. Que teni buojacuyume meadacayu mujare, m\_je cvarájiyepе ayu caiye iye ũi mearo ðacaquiyede mujare.

<sup>6</sup>Caride torojurá m\_ja m\_je ũmei caiye iye J́umenijicui mearo ðacaquiyede mujare. Apenumua ch́iorajaramu m\_ja, m\_je ńájinajiye boje ure ńájiyede. <sup>7</sup>M\_ja ńájinajaramu, J́umenijicui jáðovaquiyepе aivu m\_je ju

aiyede Jesucristore jāvene. Yópe pōeva ne juaiyepē úrure, ne majinaiyepē aivū jāve maru, nopedeca Jūmenijicu ñájine ñayube mujare, jáðovacuyū mujē jū aiyede Jesucristore jāvene. Aru yo úru me bojecurōvacari buojari bíjauvū. Ëbenita mujē jū aiyē Jesucristore pueno bojecavū Jūmenijicui jáinore aru cūiméquiyebe. Que baru Jūmenijicu me jácuyūme mujare, mearape ñacuyūme mujare, aru puedacuyūme mujare máre añijāravū Jesucristoi jáðovaquijāravū baquinóre. <sup>8</sup>Ñai Jesúrcabe mujē umū jámevūva úre cāreja. Aru úrecabe mujē jū aimū jámevūva úre caride. Que baru torojurivūbu mujā urarō torojue méque. Pōeva ne yāvaiyeque coyūñī majibema die torojuede, pueno baju me boje. <sup>9</sup>Torojurivūbu mujā Jūmenijicui meadaiyē boje mujare. Aru mujā jū aivūbu Jesucristore, Jūmenijicui meadaquiyepē aivū mujare.

<sup>10</sup>Iye Jūmenijicui meadaiyede pōeva úre jū aivūre, ina Jūmenijicui yāvaiyede coyūcaipōeva mácavū me majiyurejaquemavū, coreóvarājivū caiye iye yāvaiyede pōevare meadaiyena. Coyūcarejaquemavū Jūmenijicui ñacaquiyede mujare bojecubeda ñi me boje. <sup>11</sup>Ne bueiyeque iye Jūmenijicui yāvaiyede coyūcaiyede majinidurejaquemavū ñame cūcuyū Jūmenijicui meadaipōecūre aru aipiyede dacuyūre máre. Ñai Espiritu Santo jáðovañū marejaquemavū añijāravū baquinóre ñi Jūmenijicui yāvaiyede coyūcare ñaiye báquede ina Jūmenijicui yāvaiyede coyūcaipōeva mácavūre. Jūmenijicui yāvaiyede coyūcarejaquemavū iye napiye jauquinore ñi ñájiqiyede Jesucristore aru yo urarō mearore Jūmenijicu ñacacuyūre úre ñi ñájiniburu yóboi. Jesucristovacari darorejaquemavū ñai Espiritu Santore, ñi Jūmenijicui yāvaiyede coyūcare ñaquiyepe ayū na mácavūre. <sup>12</sup>Jūmenijicu coreóvare ñarejaquemavū ina ñi yāvaiyede coyūcaipōeva mácavūre ne coyūiye caðatebequiyede náre. Ëbenita mujare

caðateiye baquiyébu. Ne coyūiyede coreóvabevūva, diedecabu iye Jesús ñi yāvaiye méne mujē jápaiye caride. Ñai Espiritu Santo, Jūmenijicui ñaroimū mácu cavarō mearo ñi cūrōre jocarī parure ñaibi ne úmei ina Jesús ñi yāvaiye méne coyūipōevare, ne coyūrājiyepē ayū diede paruéque. Aru ángeleva máre coreóvaivūñīduivū caiye iyede.

### Maje memecaino Jūmenijicūre jaurōre

(Jn 3.3-7; Stg 1.10-11, 18; 1 P 1.3)

<sup>13</sup>Caiye iye méne Jūmenijicui ñacaibi mujare boje. Que baru me dápijarā mujē ñarājiyede aru me ñajarā caiye mujē ñaiyede majidivūpe. Que teni napini corejarā cūinárora caiye iye Jūmenijicui mearo ñacaquiyede mujare, ñi jáðovaquiyede Jesucristore.

<sup>14</sup>Jū ajarā Jūmenijicūre yópe mamara meara ne jū aiyepē nébucūvare. Aru ñabejarā yópe mujē ámeina ñaiyūrepe, yópe mujē ñaiye báquepe coreóvabevūva cāreja Jūmenijicui yāvaiye méne. Que baru ñabejarā yópe mujē ñaiye báquepe javede, mujē jū arājiye jipocare Jesucristore. <sup>15</sup>Ëbenita méne ñajarā mujācapūravū caiye mujē ñaiyede, Jūmenijicu, mujare cutuyū bácu ñi jina márājivūva, ñi me boje caivū pueno. <sup>16</sup>Yópe arī, toivaicōjēnejāquemavū Jūmenijicu ñi yāvaiyede: “Meara baju bájarā mujā. Yúbu meacu baju caivū pueno. Que baru mujā máre, ji pōeva, meara baju bájarā mujā”, arejaquemavū Jūmenijicu.

<sup>17</sup>Mujē jēñaiyede Jūmenijicūque, “mū, jipacu” aivūbu úre. Aru Jūmenijicūrecabe ñai jáñū caivū pōevare cūináturu, coyūyū majare coapa, mearo ñayūre o ámeno ñayūre máre, maje ñaiye báque boje ijāravūre. Que baru puedajarā úre mujē cuedeca yore ijāravūi. <sup>18</sup>Me majidivūbu mujā ñajocare ñaimara mácavūre mujē cūe báquede jocarī yópe apesu ñmūi bojeñaiyepē ñi yebacavūre. Die cūe báquebu yopedeca mujēñecūva mácavū

ne cœe báquepe. Ne majicaiye báquede aru ne jádovaiye báquede mujare ye cadatebedejaquemavu mujare. Que teni mũa mearore ðaríðurejaquemavu aru torojuríðurejaquemavu máre. Æbenita mũa buoimarape paivu barejaqué mavu ðie cœe báque boje. Mujare bojedaiye báque bñabequiyebu aru pojebequiyebu máre, yópe bojedaiyepe úrure aru platare máre. <sup>19</sup>Æbenita mũa bojedaimara mácavubu Jesucristoi jive bojecœeque, ñi yaino mácaróque, yópe uraró bojecœróre jícaiyepe Jümenijicœre. Que teni ñai Jesucristo ovejajícœpe barejáme ye ãmeno cubecœva, jaubecœva, quénora pœeno meacu baju, ne jínajiyepe aivu ùre ne juaimœpe Jümenijicœre.

<sup>20</sup>Jümenijicui cuedaquiye jipocamia ijãravure majidejaquemavu darocœyũ mamacœre, ñi yaicãquiyepe ayũ majare, jarœvacœyũ maje ãmeina teiyede. Que teni Jümenijicu beorejaquemavu Jesucristore meaðaipóescu bacœyúre javede. Aru jáðovarejame ùre ijãravui buojaquijãravuai. <sup>21</sup>Muje coreóvaiye boje Jesucristore caride, ju aivubu Jümenijicœre nacovañũ mácœre Jesúre yainore jarœvarí aru epeyũ bácœre ùre meacu baju caivu pœeno. Que baru mũa ju aivubu Jümenijicœre aru napini coreivubu iye ñi mearo ðacaquiyede mujare yópe ñi aiyे báquepedeca.

<sup>22</sup>Muje ju aiyे báque boje iye yávaiyede jávene muje jápaiye báquede diede, dajocaivubu mũa muje ãmeina teiye báquede caride. Yópe teni jáve buojaivubu mũa arivu apevure Jesúre ju aipóevare. Que baru pare ñjarã mũa muje baju caiye muje ùme méque. <sup>23</sup>Mũa curivubu caride yópe mamarœmũ póeteivœpe cojedeca jueðovape népacu yaibécu quénora arœcu cainœmũ. Jümenijicui yávaiye arœpe paiyebu aru oatœvabebu máre. Aru ðieque Jümenijicu cœvare ðaibi mujare mamañmene. <sup>24</sup>Yópe arí, Jümenijicu toivaicójenejaquemavu ñi yávaiyede:

Caivu póeva cœriápe paivubu.

Que baru ne majié cœvœpe

paiyebu. Iye cœriá popoiyavã.

<sup>25</sup>Aru iye cœvœa tuiyavã.

Æbenita Jümenijicui yávaiye cœquiyebu cainœmũ, arí toivaicójenejaquemavu.

Iye Jümenijicui yávaiye mému.

Diedecabu Jümenijicui yávaiye méne coyœipóeva ne coyœiye báque mujare.

**2** <sup>1</sup>Caride dajocajarã mũa caiye muje ãmeina teiyede. Aru borocœbejarã mũa. Mujovabejarã apevure, jorojímeara apevure, aru ãmeina yávabejarã apevure máre. <sup>2</sup>Yópe mamajina mamarœmũ póeteivũ pare nuiyœpe népacoi opecore, nopedeca mũa máre pare buejarã Jümenijicui yávaiyede jávene. Que teni yópe mamajina ne opecore nuiye boje me bucœiyepe, nopedeca mũa máre, muje pœeno baju me jápiarí aru ju arí nuiye boje Jümenijicui yávaiyede, me jápiarí earãjaramu mũa diede. Que teni muje ùmene me parœre ðarí, meaðaimara márãjivubu mũa. <sup>3</sup>Nópe ðajarã, muje coreóvaiye boje aipe Jümenijicu uraró mearore ðacayœre mujare.

**Jesucristo cœrava arœrivape páyũ**

(Mt 21.42; Ro 9.25-26, 33, Tit 2.14)

<sup>4</sup>Pueno baju majinadajarã Jesucristore. Ærecabe jaboteyũ ñi póevare. Ñai Espíritu Santoi ðacaiye boje, náre cójjivoabi, ne cœrãjiiyepe ayũ ùque cœinãvœpe. Jesucristorecabe yópe cœrava arœriva Jümenijicui mamarœmũ epeivape ñi ðainore yópe cœramipe. Apevœcapüravũ jarœvarejaquemavu ðiva cœravare. Æbenita Jümenijicœvacari beorejaquemavu ðiva cœrava meava bajure, epecœyũ ñi ðaiñamine. <sup>5</sup>Aru mujacapuravũ yópe bájarã cœrava arœrivape, Jümenijicui ðaquiyepe mujaque ñi ðaiñamine yópe cœramine ðaipóescu ñi ðaiyepe cœramine cœravaque. Aru Jümenijicui ðaiñami ñi Espíritu Santoi cœquino maquiyébu. Noi mũa memecarãjaramu nápe, sacerdotevape, jínajivu Jümenijicœre jícaiye muje ùmequede aru méne ñi jáinoi. Aru Jesucristo cadateibi mujare,

mujje jínajiyepere ayu mujje ùmeque aru Jūmenijicui jáquiyepere ayu me. <sup>6</sup>Jāvemū no Jūmenijicui toivaicōjeiye báque boje ùi yávaiyede, yópe arī:

Beoivū yu cūináva cūrava bojecuriva bajure. Divare epeivū yu ji ímaroi, Jerusalén āmicurīimaroī, yópe cūramitōbui cūravape ji ñaquíñami. Ácu pōescu ju ayu baru maje jabocure, ñai divape páyure, cainumua chīomecube ùi ju aye boje ñai jabocure. Quénora cainumua torojucuyume ùi ju aiyeye úre, arejaquemavu Jūmenijicu.

<sup>7</sup>Aru muja ju aivubu Jesucristore. Que baru úrecabe meacu baju mujjare. Ûbenita ina ju abevure úre, yópe arī Jūmenijicu toivaicōjenejaquemavu ne borore:

Iva cūrava ina cūrami ñaipōeva ne jaruvaiva bácarō apeva cūrava bojecuriva cubevū diva pueno. Quénora diva Jūmenijicui epeivabu cūramitōbui yebai. Que baru parurivabu apeva cūrava pueno, arejaquemavu Jūmenijicu.

<sup>8</sup>Aru arenumu Jūmenijicu, yópe arī, toivaicōjenejaquemavu ùi yávaiyede:

Iva cūrava boje, pōeva torī turídurājarama. Aru iva cūrava boje, pōeva turājarama máre, arī toivaicōjenejaquemavu.

Que baru pōeva ne ju abede Jūmenijicui yávaiyede jāvene vaivū náre yópe pōescu torī turíduiyepere. Que teni ina pōeva ñaivubu yópe Jūmenijicui majié báquepedeca ina pōeva ne ñarājiyede.

<sup>9</sup>Ûbenita mujjacapūravu Jūmenijicu jinava, ùi beoimaramu. Mujjarecabu ñai jabocure memecaivū ùi sacerdotevape. Mujjamu pōeyajubocavu Jūmenijicui coatete ñaimara āmenore jaruvarī ù jina mārājivū. Mujjamu Jūmenijicui pōeva ùi beoimara, mujje coyurājiyepere ayu iye yávaiye méne Jūmenijicui pueno mearore ñacaiyede pōevare. Ûvacarī cuturejaquemavu mujjare, mujje ñajocarājiyepere ayu āmeina teiyede jaruvarī yópe etaiyepere ñeminore

jocarī, mujje cue báquede Jūmenijicure coreóvabevū cāreja. Jūmenijicu cuturejaquemavu mujjare, mujje ñarājiyepere ayu meatede ñaiyede yópe ecoiyepere ùi pueno mearo miadároi. Que baru muja coreóvaivubu Jūmenijicure caride. Aru āmeina tebevubu. <sup>10</sup>Javede Jūmenijicui pōeva āmenejaquemavu muja. Ûbenita caride ùi pōevatamu muja. Javede Jūmenijicui cōmaje āroje jáiyede majibedejaquemavu muja. Ûbenita caride cōmaje āroje jáimi mujjare. Que baru majidivubu úre pare cōmaje āroje jáñure.

#### Maje memecaino Jūmenijicure

<sup>11</sup>Muja, ji umara, parurōreca jēniaivū mujjare. Muja ijāravucavure paivū ānevū. Quénora cavarō mearo Jūmenijicui curōcavu barājaramu muja. Muja curivubu ijāravūi obebejēna. Mujje āmeina ñaiyue yópe maucavaerebu mujje ùmeque. Que baru ñabejarā yópe mujje āmeina ñaiyepere. Ñaicōjemejara muja mujje ñapiaino āmenore meje bajure. <sup>12</sup>Quénora mearo ñarī me curarā muja ina Jesucristore ju abevū ne jēneboi. Que teni ne āmeina yávaiyede mujjare āmeina teivure, návacari, mujje mearo ñaiyede jári, yópe arī, “Ámeina teivū āmema na. Me ñadama na”, arī coyurājarama mujjara. Que baru mearore jínajarama na Jūmenijicure ùi ñaquijāravū baquinóre, ñájine ñacuyu pōevare, ne āmeina teiye boje.

<sup>13</sup>Muja ñaiyurivū baru yópe Jūmenijicui urōpe, ju ajarā caivū mujje jabovare. Ju ajarā ñai jabocu ijāravucascu pueno baju parucure.

<sup>14</sup>Aru ju ajarā caivū apevū jabovare ùi cāchino parurivure. Nāmu ùi ñaroimara, ñájine ñarājivū ina āmeno ñaivure aru jínajivū mearore ina mearo ñaivure. <sup>15</sup>Que baru Jūmenijicu ubi mujje bi are ñarājiyepere ayu ina pōeva āñamevure ne āmeina yávaiyede mujjare, ne coreóvabe boje. Mujje mearo ñaiyepere ñarājivubu muja diede. <sup>16</sup>Caride jaubevū mujjare mujje ñaiyepere yópe caiye iye Jūmenijicui ñaicōjeiye

báquepe pöevare Cristoi daquiye jipocai. Que baru mña yebacavupe paivu ãmevutamu. Ubenita dápiabegarã mña ãmeina teni buoiaivure, mñe cue boje yebacavu ãmevupe. Quénora javvu mñjare mñje ðaiyede yópe Jñmenijicure memecaivupe. <sup>17</sup>Puedajarã caivu pöevare. Ujarã apevu Jesucristore ju aipöevare. Jñmenijicure puedarĩ, mearore jíjarã úre. Aru puedajarã ñai jabocu ijãravucacu pñeno baju parucure.

**Cristoi ñájiye báquede coreóvare ðaino majare aipe ðaiye jauröre**

<sup>18</sup>Mña, memecaipöeva, ju ajarã mñje jabovare aru puedajarã me náre. Nópe ðajarã ina jabova jjecubevure aru ina jjecurivure máre. <sup>19</sup>Jñmenijicu me jáimi aru mearo ðacaibi mñjare mñje napiyede ñájiyede ãmeina ðabevuva. Mñje coreóvaye boje Jñmenijicui uröre, mña napivubu ãmeina ðabevuva. <sup>20</sup>Mñje napinu ne jara popeiyede mñjare, mñje ãmenore ðaiye báque boje, meamejebu mñjare. Ubenita mñje napinu ñájiyede mñje mearore ðaiyede, Jñmenijicu me jácuyume aru mearo ðacacuyume mñjare. <sup>21</sup>Que baru mña Jñmenijicui cutuimaramu, ñájinajivu. Cristovacari ñájicarejame mñjare boje, cadatecuyu mñjare. Que teni jáðovarejame mñjare úi ðaiye báqueque aipe ðaiye jauröre mñjare, mñje majinajiyepu ayu aipe ðarĩ ñájinajivure úi ñájiye báquepe. <sup>22</sup>Ye ãmenore ðabedejame ú. Aru ye borocurĩ jujovabedejame ú. <sup>23</sup>Pöeva ne ãmeina yávaiye báquede úre, úcapüravu ãmeina yávabedejame náre copu. Aru pöeva ne ñájiye ðaiye báquede úre, úcapüravu “Ñájiye ðaquiivu mñjare”, abedejame náre. Quénora yópe arejaquemavu Jñmenijicure: “Mu, jipacu, cadatejacu yure. Napini coreivu mure”, arejaquemavu Jesús. Que teni napini coredejaquemavu Jñmenijicure, ñai meacu bajure, bojedacuyure caivu pöevare yópe ne ðaiye báque javépe náre.

<sup>24</sup>Jesucristovacari ne pëvaimu mácu jocscujaravenu yaicárejame maja

ãmeina teivure boje. Yópe sacerdotei nuvaiyepu úi jícaiyede juainoi, nopedeca Jesucristo nuvarejaquemavu maje boropateiyede maje ãmeina teiye boje úque úi yayiye báquede. Que teni jaruvarejaquemavu maje ãmeina teiyede. Que baru majarecabu coatede ðaimara caride maje ãmeina ðaiyuede jaruvarĩ. Aru curivubu, ðarãjivu mearore. Mñjarecabu meaðaimara caride Jesucristoi churiá boje. <sup>25</sup>Javede coatedejaquemavu mña Jñmenijicure jaruvarĩ yópe ovejava mamateivupe nuvevu náre coreipöecuque. Ubenita caride mña oatuvarĩ curivubu yópe Jñmenijicui uröre, yópe ovejavare vorĩ earĩburu yóboi ne jacopaiyovaiyepu náre coreipöecu yebai. Que baru Jñmenijicu jári coreyube mñjare aru meaðayube mñje úmene.

**Aipe ðaiye javró purubuoivure**  
(Ef 5.22, 25; Col 3.18-19; 1 Ti 2.9)

**3** <sup>1</sup>Mña úmucurivu máre, ju ajarã mñjemarepacure nopedeca ina memecaivu ne ju aiyepu ne jabovare. Que teni apevu nácvu ne ju abedu Jñmenijicui yávaiyede, mña yávabevuva ju are ðarãjaramu náre, mñje mearo ðaiye boje. Jaubequiyebu mñje coyurãjiye náre, ne ju arãjiyepu aivu Cristore. <sup>2</sup>Quénora ne jáiyede mñjare mearo ðaivure pñcaúmea cubevuvu aru puedaivure máre, ju arãjarama Cristore. <sup>3</sup>Mñje meaðaiyede mñje bajure, ðabegarã jáicöjenajivu apevure mñjare. Que baru mñje vaivéiyequu mñje poðare, aru mñje aðaiyequu códeimeare máre, aru mñje doiyequu cuitótecajere máre, jáicöjemejara apevure. <sup>4</sup>Quénora meara májara mña, mñje meaúme boje. No mearo oatvabenotamu aru cúiménotamu, mñje úme jjecubeque aru cãrijimeque máre. No mearo bojecavu me Jñmenijicui jáinore. <sup>5</sup>Quédecabu ina nomiva mácvu javede Jñmenijicure mearore jívu bécavu. Napini coredejaquemavu na mácvu Jñmenijicure, úi mearo ðacaquiyepe aivu náre. Aru ju arejaquemavu

némarebucava b́acavure. Que teni meara đarejaquemavu ne bajure.

<sup>6</sup>Quédecabe cūináco nácaco, Sara báco. Ō máco ju arejaquemavu jímarepacu Abraham mácure. “mu, ji jabocu”, ado barejaquemavu. Aru mujavacari ópe paivubu buojaivu, mearore đaiivu baru jidubevava.

<sup>7</sup>Aru muja nomicurivu máre, me coreóvarā aipe đaiye jaurore mujare mujemarebucavare. Na muje cāchino parurivubu. Que baru pueđarā náre. Aru na cvarājarama j́aravu cūiméjaravu baquinóre cūináturu mujaque. Que baru pueđarā náre. Me cvarā náque, muje j́eniari buojarājiyepe aivu J́umenijicque yópe mujare jauépe.

**Jesúre ju aivu ne mearo đaiye boje  
nájijede coyúno  
(Mt 5.10)**

<sup>8</sup>Quénora coyuyubu mujare die borore. Dápijarā caivu muja muje ũmei cūináturu. Apevu ne chíoru, chíojara náque. Aru apevu ne torojuru, torojjarā náque. Ujarā mujevure yópe muje uepe mujeyovare. Cadatejarā ina cōmaje ārojarivure. “¿Meara márica apevu pueno?” arí dápiabejarā. <sup>9</sup>Apevu ne āmeno đaru mujare, copu āmeno đabejarā náre. Apevu ne āmeina yávaru mujare, copu āmeno yávabejarā náre. Quénora j́eniajara J́umenijicque, ũi mearo đacaquiyepa aivu caivu náre, muje coreóvaye boje J́umenijicu cutuyu b́acure mujare, muje mearo đarājiyepe ayu yópe ũi mearo đacaquiyepa mujare. <sup>10</sup>Yópe arí, J́umenijicu toivaicōjenejaquemavu ũi yávaiyede:

Ácu pōesu torojuiyucu baru aru cuiyucu baru me ij́aravui, āmeina yávabejacurí, aru dajocajacurí ũi bogocuede máre. <sup>11</sup>Dajocajacurí ũi āmeno đaiyede. Aru đajacurí mearo. Uetubecava pueno baju vorí eajacurí ũi ũmeque cārijimene đacuyu apevure.

<sup>12</sup>Maje jabocu j́ari coreyube ina mearo đavure. Jápiayube ne j́eniaiyede. Ubenita maucuvacube

ina āmeno đavure, arí toivaicōjenejaquemavu.

<sup>13</sup>Ñame āmeno dabename majidivu mujare muje ũmei, muje torojurí đaru mearo. <sup>14</sup>Ubenita muja nájivu baru, muje mearo đaiye boje, uraró torojurājaramu muja. Jidubejarā ina nájine đavure mujare. Aru cucumamejara. <sup>15</sup>Quénora mearore jíjarā Cristore muje ũmei. Aru pueđarā ũre, muje jabocure. Ñame ne j́eniari mujare, muje coyurājiyepe aivu iye muje napini coreiyede Cristoque, maumena coyurí majjarā me iye borore muje napini coreimure. <sup>16</sup>Aru coyjarā náre jijecubevava aru pueđaiivu náre. Cainmua mearo đajarā, yópe muje majiépe, “Boropatebevū yu”, muje arí dápiainoque. Que teni apevu āmeina yávaiivu baru mujare, mearo đavureca muje ju aiye boje Jesucristore, návacari cuyoje tenajivubu ne āmeina yávaiye báquede muje borore. <sup>17</sup>Que baru J́umenijicu nájicōjenu mujare, yópe ũi urópe, muje nájije meavu, muje mearo đaiye boje. Ubenita meamevu, muje āmeno đaiye boje.

<sup>18</sup>Cristocapúravu nájini yaidéjame cūinára, pōevare maje āmeina teiye boje, maje boropatebenajiyepa ayu diede. Nai meacu nájinejame āmeina teivure boje, meara đacuyu majare J́umenijicu j́ainoi aru cūiné đacuyu maje coateiye báquede J́umenijicure jaravarí, maje J́umenijicu jina tenajiyepa ayu. Cristobe pōeva ne boarí jaruvaimu mácu ũi bajure, ubenita J́umenijicu ũmedavaimu mácu ũi ũmene.

<sup>19</sup>Aru decocupe ũi baju cubecava, coyucunurejaquemavu ina yaiivu b́acavu buoimarape paivure. <sup>20</sup>Na mácavu arurivu cāreja ju abedejaquemavu J́umenijicu yávaiyede ānijaravua báquei, Noé mácu ũi đaiye báquede jiađocū uracure. Dinumure J́umenijicu napini coreyu barejaquemavu, na mácavu ne ju arājiyepe ariduyu ũre. Ubenita obebejina baju, ocho paivu quévura, na mácavu meadaimara marejaquemavu dicúque muiváibore



jocarí. Ocoi jorí, ocoque meadaimara marejaquémavu. <sup>21</sup> Quédecabu iye mije jáđovaiye Jūmenijicure ocoi. Yópe Jūmenijicui meadaiye báquepe Noéja mácvare ocoque, nopedeca caride Jūmenijicu meadaibi mujare máre ocoque mije jáđovaiyede úre Jesucristoi nacajaiye báque boje yainore jaravari. Aru maja jáđovamevu Jūmenijicure ocoi, joarājivu maje docure. Quénora jáđovaiyubu Jūmenijicure ocoi, jēniarajivu úre, “Boropatebevu yu” ūi arí dāpiare đaquiepe aivu majare. Aru boropatebevu maja, ūi ārūmeteiye báque boje maje āmeina teiyede. <sup>22</sup> Javede űai Jesucristo nūrejaquemavu cavarō mearo Jūmenijicui curōi. Caride cubi Jūmenijicui meapūravui, ūi paruéde cūvae boje. Jaboteyube caivu ina ángelevare, aru cavarōcavu jabovare aru parurivure máre.

**Maje memecaino Jūmenijicure  
Espíritu Santoi majide đainoque  
majare coapa**  
(Ro 12.13; 1 Co 13.7)

**4** <sup>1</sup> Jesucristo űājinejame ūi baju ūi cuede ijāravui. Que baru mija máre, dāpiarí ūi dāpiayie báquepedeca, jidubejarā mije űājinajiyede. Ácu pōecu űājiñu, āmeina teiyede đajocaibi. <sup>2</sup> Que baru caride mije cuede ijāravui đaicōjemejara mije bajure yópe mije baju urōpe. Quénora đaicōjeara Jūmenijicure mije bajure yópe ūi urōpe. <sup>3</sup> Ina Jūmenijicure ju abevu đavū ne baju urōpe. Javede mija máre nápe đavū barejaquémavu obedijūa. Que teni mija āmeno đavū barejaquémavu. Mije āmeina đaiyuepe đavū barejaquémavu. Pacoteivu barejaquémavu. Bujiéque ūcuri torojūve teivū barejaquémavu. Ūcuri upaivu barejaquémavu. Aru āmeno đavū barejaquémavu mearore jivu pēpeimarare Jūmenijicure ūbevūva. <sup>4</sup> Aru caride coreóvabema na mije náre yóvabe boje ne urarō āmeno đaiyede. Que baru arí dāpiarí, “¿Aipe teivū bārica yóvabevū majare?” arí, āmeina

yávadama mujare ne bajumia. <sup>5</sup> Ūbenita návacari nūrajarama, coyurājivu ne baju ne borore caiye ne đaiye báquede, aru ne yávaiye báquede, aru ne dāpiayie báquede máre Jūmenijicui jivateinoi, ūi űājine đaquiyede caivu pōevare ne āmeina teiye boje, yaivu bācvare aru apurivure máre. <sup>6</sup> Ne majinajiyepe ayu diede, javede iye Jūmenijicui yávaiye méne coyurejaquemavu ina yaivu bācvare caride. Que baru űājine đaimara mácvavacari ne yaiye báquede yópe caivu pōevare ne bajure, apurivū curivū bujarājarama ne ūmene yópe Jūmenijicure.

<sup>7</sup> Caijāravū vaivu, pūeno joabenotamu ijāravū cūiquino. Que baru me đaicōjeara mije dāpiayede aru mije đaiyede máre, me jēniamuri Jūmenijicūque yópe ūi urōpe. <sup>8</sup> Caiye mujare jaué pūeno, yo cūináro jauřótamu: Ūjarā apevure parurōreca. Ūrivū baru apevure, ārūmeteiyrājivūbu ne āmeina teiyede. <sup>9</sup> Torojurivū copū etajarā mujevure me. Jecubejarā ne āiyede, “Ūbevū yu náre copū etarí”, abevūva. <sup>10</sup> Jūmenijicui Espiritu Santo majide đaiibi mujare coapa, mije đarājiyepē ayu apeno memeinova, cadatenajivu apevu mujevure. Me đajarā iye ūi majide đaiyede yópe coreipōecui me đaiyepē iye ūi jabocui cūvae ūi coreicōjeiye báquede úre. <sup>11</sup> űai coyūyū, coyūiye jauvū úre Jūmenijicui yávaiyede jāvene. Aru űai memecayū, memecaiye jauvū úre iye paruéque Jūmenijicui jiyede úre. Que baru caiye mije đaiyepē Jesucristo mearore jide đaiibi Jūmenijicure, mearore aru paruéde máre cūvacu cainūmūa. Quédecabu.

**Jesucristore ju aivu ne űājinajino**  
(Ro 8.17; 1 P 4.1)

<sup>12</sup> Mija, ji ūmara, cuicumamejara ne űājine đaiyede mujare. Mije űājiyeque jáđovarajivūbu mije ju aiyede Jūmenijicure jāve, yópe ne jáđovaiyepē tāure jāve toaque. Que baru caivu Jesucristore ju aivu űājinajaramu. <sup>13</sup> Que baru cuicumamejara. Quénora

torojujarā muxe ũmei muxe nájijede yópe Jesucristo ũi nájije báquepe. Que baru pueno baju torojurājaramu caivu ne járajiyede Cristo meacu bajure.

<sup>14</sup>Pōeva ne āmeina yávaru mujare, muxe ju aye boje Cristore, torojujarā muxe muxe ũmei. Caivu muxe ne āmeina yávaimara Cristore boje, mujarecabu cuvarivu Jūmenijicui Espiritu Santore, nái Espiritu pueno baju meacure. Aru ũ cubi muxeque. <sup>15</sup>Muxe nájivu baru, nájimejara yópe pōevare boarí jaruvavivure, aru navaipōevare, aru apevu āmeno daipōevare máre. Aru nájimejara yópe ina “Yópe ji coyuiyepere daie javvu mujare”, coyuvure apevure. <sup>16</sup>Ūbenita muxe nájivu baru muxe ju aye boje Cristore, cuyoje tebejarā muxe ju aiyede ũre. Quénora mearore jfjarā Jūmenijicure muxe Cristo jina mae boje.

<sup>17</sup>Joabejinoi Jūmenijicu bācuyme ũi nájine daquiyede pōevare, ne āmeina teie boje. Mamarumure Jūmenijicu nájine daquyme ũ jinare. Aru Jūmenijicui nájine daie boje ũ jinare, ina ju aivure ũi yávaiye méne, jāve pueno urarō nájine daquyme ina ju abevure ũi yávaiye méne. <sup>18</sup>Yópe arí Jūmenijicu toivaicōjenejaquemavu ũi yávaiyede: “Ina pōeva meara meadaríduimara maru, pueno baju meadaríduimaramu ina pōeva āmena, āmeina teivu”, arí toivaicōjenejaquemavu. <sup>19</sup>Iye ji coyuiyede yópe aiyurōtamu: Ina pōeva nájivu Jūmenijicui urōpe mearore dare cuiye javvu náre cainumua. Aru ju aye javvu náre Jūmenijicure, náre cuedayu bācure aru cainumua dayure yópe ũi aye báquipedeca, ũi meadaquiyepere aivu ne ũmene.

#### Jesucristore ju aivure majicaino

(Mt 6.25-34, 23.12; Lc 14.11; Jn 21.15-17; He 13.20; Stg 4.6, 10)

**5** <sup>1</sup>Caride coyuiyvuvu yu mujevure, Jesúre ju aivure coreipōevare. Yu máre Jesúre ju aipōevare coreyubu. Yúvacari járejacasu Jesúí nájije báquede.

Aru Jūmenijicui jáđovaquiyede Jesús meacu bajure, yu máre meacu baju cuscuyumu.

<sup>2</sup>Yu jēniaivu mujare, coreipōevare, muxe corenajiyepe ayu me ina Jesúre ju aipōevare cōjijivaivure muxe yebai, yópe ovejavare coreipōeva ne me coreiyepe ne ovejavare. Corebejarā náre parurōque. Quénora corejarā náre muxe ũe boje. Aru memecabejarā Jūmenijicure ne jíye boje táuturare mujare. Quénora memecajarā ũre muxe cadateiyue boje apevure. <sup>3</sup>Aru jabova paruvivu ne cōjeiyepe cōjimejara muxe ina muxe coreimarare. Quénora cūjarā me ne jáiyede, jáđovarajivu náre aipe daie javrōre ne curājiyede me Jūmenijicui jáinoi. <sup>4</sup>Que teni nái Cristo, caivu maja coreipōevare maje jabocu, majare coreyu, jícuyume mujare bojedaino pueno baju mearore cūiménore ũi jáđovaquiyede.

<sup>5</sup>Aru muxe, bojvuvu, ju ajarā ina Jesúre ju aivure coreipōevare. Aru caivu muxe dápiabejarā muxe baju meara apevu pueno. Quénora memecajarā muxe bajumia yebacavure, jabocupe tebevuvu. Yópe arí Jūmenijicu toivaicōjenejaquemavu ũi yávaiyede:

Jūmenijicu maucvavibi ina dápiavure ne baju pueno meara apevu pueno. Ūbenita ũi pueno meacu baju boje, cadateyube ina “¿Meara márica?” abevure, arí toivaicōjenejaquemavu.

<sup>6</sup>Que baru yebacavure tejarā muxe, Jūmenijicu ũi cadatequiyepere aivu mujare ũi paruéque. Que teni ũi beoijāravu baquinóre Jūmenijicu mearare epecuyume mujare.

<sup>7</sup>Jūmenijicu mujare pare ũcu coreibi me. Que baru cārijimejara muxe. Quénora coyujarā Jūmenijicure caiye iye cārijovaiyede mujare. Aru yópe pōeva ne epeiyepe náre dācuéde, nopedeca epejarā muxe iye cārijovaiyede mujare Jūmenijicurā.

<sup>8</sup>Me jájara. Apurivure, coreivure, me daicōjejarā muxe dápiayede.



Yópe yavi jijescu ou bujiéque  
 ñi vorí ãre cuiyere ñi ãquimure,  
 nopedeca muxe maucu, ñai abujuvai  
 jabocu, vorí bíjaroiyucu cuibi  
 pōevare, ne dajocarājiyere ayu  
 ne ju aiyede Cristore. <sup>9</sup>Ëbenita  
 dajocabejarā muxe ju aiyede  
 úre. Quénora maucuvajarā ñai  
 abujuvai jabocure, muxe coreóvaiye  
 boje caino joborōacavu ijāravai  
 Jesúre ju aivu, na máre ñájiñama  
 muxe ñájiyere. <sup>10</sup>Obebejāravua  
 ñájinajaramu mija. Muxe ñájiniburu  
 yóboi, Jūmenijicuvacari ye jaubede  
 darí, nurié dápiare darí, parure  
 darí, bíjabede ñacuyume mujare.  
 Ñai Jūmenijicu pñeno meacu baju,  
 úrecabe cutuyu básu mujare, muxe  
 cuvārājiyere ayu mearo cūiménore,  
 muxe cue boje Jesucristoque  
 cūinávure. <sup>11</sup>Paruède cuvacube  
 Jūmenijicu cainuma. Quédecabu.

**Pedro ñi meaicōjeino Jesúre ju  
 aipōevare**

*(Hch 12.12, 25, 13.13, 15.22,  
 37-40; Col 4.10; Flm 24)*

<sup>12</sup>Toivacaivu mujare iyoca paperayoca  
 quíjiyocare Silvanoí cadateiyequé.  
 Ërecabe Jesúre ju ayu dajocabecuva  
 ji jáinoi. Parure ñaiyuvu mujare muxe  
 ũmei. Aru majide ñaiyuvu mujare jáve  
 iye ji toivacaiyede Jūmenijicui mearo  
 ñacaiyede mujare ñi pñeno me boje. Que  
 baru dajocabejarā muxe ju aiyede úre.

<sup>13</sup>Ina Babilonia ñmicuriimarocavu  
 Jesúre ju aipōeva, Jūmenijicui beoimara  
 mujare paivu, meaicōjedama mujare.  
 Aru Marcos máre, jímacure páyu,  
 meaicōjeimi mujare. <sup>14</sup>Me jacyujarā  
 mija mujevare, muxe jivare nuri, muxe  
 Jūmenijicu jina mae boje. Caidu mija  
 curivu Jesucristoque cūinávure me  
 cuvārā cārijimevua. Quénoramu.